

## Contesta na TOP Fm 95 Ta kende a cuminza cu e guerra?

ORANJESTAD (AAN) Ayera tabata tin yoramento na radio pa e asunto encuan to falsificacion di Volmacht pasobra nomber di diferente hende cu den pasado tabata envolvi den falsificacion di Volmacht a worde menciona den DIARIO.

E asunto di Volmacht ta un asunto bieu, pero ta kende cu su mente politico maligno y di shishi a bay saca e asunto bieu di Volmacht y bay benta esaki den cara di John van der Kuyp?

Mientras John van der Kuyp tabata traha pa añanan largo como abogado y tambe den tempo cu e tabata consehero principal di Betico, a hinca Constitucion di pais Aruba den otro, a traha Witboek y asina por siguie menciona un lista largo di trabaonan hopi valioso cu el a haci pa Aruba y pa partido MEP, ningun dia ningun hende di MEP a bay cuestiona publicamente e asunto di Volmacht.

Awor cu John van der Kuyp a sali den publicidad hunto cu Glenbert Croes yiu di e lider maximo y e unico lider berdadero cu te awe MEP tabata tin, esta Betico Croes, diripiente Nel Oduber ta bin cu e asunto di Volmacht y bay tira esaki publicamente den cara di John van der Kuyp.

Ta kende a cuminza cu e guerra?

No ta Nel y su aliadonan maligno den MEP tabata esnan cu a cuminza cu e guerra?

No ta for di oficina di Nelson Orlando Oduber como prome ministro di Aruba yamadan an di menaza tabata worde haci na e radio emisora TOP FM 95 di Edmond

Croes?

No ta for di oficina di Prome Ministro, esta Bestuurskantor yamada pa TOP FM a worde haci via e number di telefoon 583-9995 unda un coordinador of empleado di e gobierno di MEP a bay lastra famia Mansur na radio den e programa Voz di pueblo?

Haciendo e yamada via e number di telefoon 583-9995 e persona balente kende no a identifica su mes (y si el a hacie mes e a duna su nomber berdadero?) no ta humiya y lastra mayornan di Jossy Mansur, kendenan tambe a fayece ta loke a worde haci?

E ora ey ni Nel, ni Edmond y ni Juancho Werleman no a bay core rectifica, coregi y muestra pueblo cu nan no ta acepta pa hende morto worde lastra na e radio TOP FM cu awor ta haci como si fuera cu nan ta respecta defunto y famia di esnan cu a perde nan serkeri?

Pa lastra famia Mansur nan sernan keri cu a fayece e ora ey si na TOP FM tur cos por, pero ora cu a toca turno na Edmond Croes, pa mencion a

worde haci encuan to falsificacion di Volmacht unda cu lamentablemente su defunto tata q.e.p.d. tabata envolvi, e ora ey si Edmond cu Juancho Werleman y un tal Tico of Francisco Croes por bira loco y bay yora na nan mesun radio emisora y reclama respet.

Mencion a worde haci den DIARIO preto riba blanco sin kita sin pone y sin sconde encuan to e asunto di Volmacht cu a worde falsifica den pasado y nada a la estilo tira piedra sconde man bao di anonimidad di yamadan an via telefoon.

Juancho Werleman algun siman pasa a bin yora cerca redaccion di DIARIO pa e haya sa un ke otro cu a sali publica pasobra el a sinti su mes aparentemente ofendi.

E dia ey Juancho Werleman tabata exige pa haya sa loke e tabata haya ta bon, pero ora cu redaccion a confronte cu e hecho cu ni un par di luna prome cu e sucedido ey, redaccion di DIARIO a acerca TOP FM pa haya informacion riba insultonan, menaza y intimidacion cu a worde lansa via TOP FM contra diferente hende di DIARIO, nos no a tende nada mas di Juancho Werleman.

E dia ey tur hende tabata bula pipa y te awe nos no por

a haya e tape cu grabacion di loke a worde lansa na insulto, menaza y intimidacion contra personal di DIARIO na TOP FM anto ta cu ki cara Juancho Werleman cu awor ta bati boca na radio ta kere di por bin exige informacion na DIARIO?

Juancho Werleman kier papia encuan to cu bo mester para firme den bo zapato y duna cuenta? Pakico na TOP FM boso mes no ta para firme pa duna cuenta ora cu boso mes ta permiti pa kende cu ta yama y lastra, humiya y intimida y menaza ken cu nan ta haya ta bon via boso radio emisora, pa despues sconde tras di argumentonan fofo cu e grabacion no ta disponibel pa motibo tecnico etc etc?

Ta logico cu e gobierno di MEP na mando, unda DTZ cu mester controla radio emisoran an tambe a worde politiza cu nada por worde haci cu mal uzo di radio emisora unda cu ta un free for all tin, siendo cu den corant tur hende por haya preto riba blanco loke a worde publica y si nan no ta di acuerdo cu e contenido nan por bay corte.

Den corant no tin scondemento manera Edmond, Juancho y otronan di TOP y MEP ta haci via transmisionnan radial na TOP FM 95.


Ta tristo cu autoridadnan competente no por actua pasobra ta mesora prome ministro Nel Oduber en persona ta manda persigui polisnan cu a actua segun ley. Juancho y Edmond kier papia di muestra cara y para den sapato manera homber?

Esaki ta loke boso mester haci y no sconde tras di yamadan an telefonico anonimo y pa loke ta trata e pajarito; pone nomber y adres di esnan cu ta responsabel pa e berdadero papelucho ey cu ta nada otro cu un pamfleta politico.

DIARIO como e matutino mas grandi na Aruba no tin miedo di ningun competencia den nos ramo di trabao pasobra competencia sano ta bon bini y pa nos parti bin 20 corant nobo mes na Aruba; e libertad ey di prensa no comprometi ta un derecho sagrado cu e matutino mas grandi di pueblo DIARIO ta e prome pa defende venga loke venga.

**TELEFONNAN  
DI DIARIO  
582-6747  
FAX  
582-8551**

## JONG GELEERD, OUD GEDAAN!!



**BEST DEAL**

Tel: 5827100

(Pariba di Aruba Bank, Paradera)

**BEST SHOPPING DEAL**

Turibana Plaza

Tel: 5865455

Reki di Olifante  
Afl. 135,=